

«Առանց կուսակցական խտրութեան, հայ պատգամաւորների մտքած հարցապնդումը Վրաստանի Խորհրդարանում՝ ազգային հալածանքների մասին, կառավարական կուսակցութեան լուծեան հետ մէկտեղ այնպիսի թշնամական վերաբերումի հանդիպեց միւս կուսակցութիւնների կողմից, որ, բնականաբար, բարոյական նւիրագործում էր գործուող խայտառակութիւնների: Իսկ ներքին գործոց նախարարի բացատրութիւնը, որը այդ ազգային հալածանքը վերածեց մի քանի անհատ պաշտօնեաների աննշան զեղծումի, չէր կարող հայ հասարակութեան վրա չթողնել ծայր աստիճանի ճնշիչ տպաւորութիւն, մանաւանդ որ այդ բացատրութեան հետեւում էր վերջերս այնքան սովորական դարձած խօսքը դէպի հայ ժողովուրդը տածած յարգանքի մասին, մի խօսք, որ միայն վերաւորում է ամենալիտի հալածանքների պայմաններում ապրող ժողովրդի զգացմունքները:»:

Հայերի գլխին թափուող ապօրինութիւնների, հարստահարութիւնների ու ճնշումների մասին բազմաթիւ արձանագրութիւններ ու բողոքագրեր է կազմել Ռուսական Ազգային Խորհուրդը, որ ամենամոռայլ դոյներով է ներկայացնում Թիֆլիսի հայերի այն ժամանակեայ վիճակը: Մենք զանց ենք առնում ուրիշ բազմաթիւ փաստերն ու վկայութիւնները և սահմանափակում ենք հետեւեալ երկու պերճարիտ վաւերագրերով: Առաջինը Թիֆլիսի ընդհանուր նահանգապետի տւած վկայականն է ոմն Արտուշ Քէոսապապետանին: Այդ վկայականով Քէոսապապետանին իրաւունք է տրուում ազատ ապրելու Թիֆլիսում. նա «Իբրև հայ, ենթակայ չէ ձերբակալութեան կամ բանտարկութեան»: (Տես նկար երես 210): Ուրեմն, վկայական չունեցող բոլոր հայերը կարող էին և՛ ձերբակալուել և՛ բանտարկուել:

Երկրորդը՝ 56 Թիֆլիսաբնակ հայ քաղաքացիների մէկ գրութիւնը, որ լոյս տեսաւ Թիֆլիսի մամուլում: «Մենք, գրում են նրանք, շարունակ լոյսալ և անպայման հանդուրժելի ենք մնացել տեղական նոր իշխանութեան վերաբերմամբ, բայց չնայած դրան, Հայաստանի և Վրաստանի միջև բախում ծաղելիս՝ փաստօրէն օրէնքից դուրս և ազատութիւնից զրկւած յայտարարուեցինք նրա կողմից... Մենք չէինք կարող ռազմագերիներ լինել այն պարզ պատճառով, որ զինուորականներ չէինք: Բացի այդ՝ մենք Հայաստանի հպատակներ չենք: Մեզնից շատերը ընկնում են վրաց պարլամենտի հրատարակած հպատակութեան օրէնքի տակ և, հետեւաբար, հանդիսանում են Վրաստանի հպատակներ: Ուրիշները ռուսահպատակ էին և շարունակում են իրենց համարել իբր այդպիսին: Վերջապէս, ձերբակալւածների և աքսորւածների մէջ կային և Պարսկաստանի, Թիւրքիայի և այլ հպատակներ: Մեր մէջ կային մտաւորականներ, հիւանդներ, թւագուրկներ, ստագուրկներ, կոյրեր. կային և մինչև 75 տարեկան ծերունիներ ու 15—16 տարեկան երեխաներ:

Մեզ ո՛չ մի մեղադրանք չներկայացւեց ձերբակալելիս և ձերբակալութիւնից յետոյ: Մեզ հարցրին միայն՝ «Դուք հա՞յ էք» — և այդ բաւական էր: Մեզ, առաջին հանդիպող պատահական անձերիս, որ մտել էինք կոմիսարիատ՝ մեծ մասամբ այլ գործով — տուրքեր վճարելու, զանազան տեղեկութիւններ ու թոյլտուութիւններ ստանալու համար — խլեցին մեր ընտանիքից և պարագմունքներից և թոյլ չտալով հրաժեշտ տալ մերձաւորներին, կամ վերցնել ամենից անհրաժեշտ առարկաներն ու որևէ կարգադրութիւններ անել — ուղարկեցին յայտնի չէ՛ ինչ պատճառով, յայտնի չէ՛ ուր, յայտնի չէ՛ ինչ պայմանաժամով...»